

四庫全書

集部

欽定四庫全書

集部

可齋雜藁卷二十

三五

詳校官庶吉士臣吳烜

主事臣呂雲棟覆勘

總校官庶吉士臣倉聖脉

校對官原任典簿臣郭祚熾

謄錄監生臣連彭年

欽定四庫全書

可齋雜藁卷二十三

宋 李曾伯 撰

疏語

代閩帥壽慶節功德疏

律司炎帝當九夏之居中運啟塗山逢千秋之紀節敬
憑佛教仰祝皇齡皇太后陛下伏願並日月之照臨膺
神明之佑助恩翔四表歛五福錫庶民慶洽兩宮規億
載恢帝業

又

東朝禮盛壽陳長樂之儀南國化行人誦闕睢之美助
培景福用集勝緣皇太后陛下伏願行地無疆與天同
久繩繩蟄蟄懋開玉葉之昌怡怡愉愉安處金根之奉

又

天生堯母式當夏五之書地守漢藩宜上嵩山之祝敬
修妙果爰介洪釐皇太后陛下伏願壽衍後天功高太
極萬年為母踰任姒之徽音千歲垂基邁商周之歷服

代閭帥天基節功德疏

麟經謂一為元歷新行夏鴻範以五次極瑞應生商熏
修庸表於輿情嚮用自隆於景福皇帝陛下伏願膺神
明之佑助廣日月之照臨光闡坤珍丕承震器得位必
得其壽允諧頌美之詞作君而作之師茂建規恢之業

又

歷鳳頒正載啟泰亨之運渚虹流瑞聿開震夙之期敬
憑仙佛之良因仰祝乾坤之難老皇帝陛下伏願祈天

永命制治保邦措國祚於泰山坐臻鞏固躋生民於壽域期與綿長

又

王次於春適紀攝提孟陬之序帝出乎震方增泰元神策之年敢披蓬苑之琅函並集祗園之珍果用祈睿算爰寓臣衷皇帝陛下伏願福等河沙壽踰嵩嶽禮樂備東朝之奉衣裳煥南面之文日月清明溥照八荒之域乾坤長久永垂萬世之基

都司代宰執啟建天基節

春王正月開帝武之篤生天子萬年罄臣工之歸美肆
修梵典庸效岳呼皇帝陛下伏願如日方中與天同運
載歌賡舜藹明良庶事之風三祝願堯膺富壽多男之
慶

滿散天基節

攝提正於孟陬爰紀誕彌之旦泰元授以神筭幸增有
永之年謹率周行共伸華祝皇帝陛下伏願丕迎鼎命

光握乾符佑下民作君作師永為人極有大德得名得
壽益衍帝齡

天基節功德疏

星流華渚欣逢載夙之辰雲集祗園恭上無疆之化綿
延多祉率普同祠皇帝陛下伏願歛福錫民垂基建極
正九五乾文之位與日俱新邁四百甲子之年後天難
老

上梁文

淮東制府僉廳議堂

淮海殿邦偉軍中之元帥藩垣建幕來天下之羣英聿
觀棟宇之新始覺履簪之盛某官輟繇紫橐來建青油
蚤從四方之游幾環轍跡遍作諸侯之客屢傍人門飽
諳出塞之吟慣識從軍之樂今乃總貔貅之戎是宜隆
羔雁之儀眷陝東西責任之方兼非洛南北人才而孰
勝緬懷故老主賓魏國之舊游尚友前修文字樊川之
重見對此月析燈檠之談笑與夫雪裘風櫂之勤勞雖

多贊幕以持麾或已聯鑣而向闕假途於是傳舍視之
然而賓蓋繽紛議堂湫隘豈以定遠懷歸之際不為叔
孫必葺之圖大采小桷輪奐美哉後勁前茅規模遠矣
突兀見眼前之屋周旋運掌上之圖共濟其間相觀而
善巡簷索笑不妨訪東閣之梅花倚檻揮毫要復見平
山之楊柳輒陳韻語以相斲聲

拋梁東樽俎從容可折衝一把平安傳夕燧邈無

牧馬與彎弓

拋梁西畫棟參天萬象低須信衆思能用蜀豈徒
三寸可降齊

拋梁南畫永清油足笑談毋翫池荷從水泛要培
亭竹與雲參

拋梁北將見呼韓來上國一朝露布清畫傳指日
銅駝出荆棘

拋梁上檄筆如飛光萬丈鸞臺鳳閣由此升何止
區區舍人樣

拋梁下燕語清風新賀夏長安二月花正濃得意
歸來上金馬

伏願上梁之後皇威清海岱萬宇昇平幕府省文書一
堂整暇贊席上過師之略收碁邊破敵之功道誼交孚
有綠水紅渠之樂勲名鼎盛驗赤雲黃色之祥

序跋

跋郭靖父告

右告二軸六件乃新進士郭靖甫之五世祖宛邱明府

治平至元豐時所給者也中間如魏國韓公溫國司馬
公古靈陳公南豐曾公王文恭珪蔡持正雄當時諸老
皆注名其間勅命制度與今略小異余五年前仕淮西
幕識靖父於壽潁戎馬中見其文采議論若有典刑心
異之未幾出此相示仰先朝盛時之安得復見悵九原
先正之不可復作抑知中原故家之猶有人也靖甫在
南樵為世族方其脫身荆棘以鐵籠全宗人且不暇顧
於先世舊物實有弗墜厯劫火而不灰賢於甘棠故笏

遠矣予以是常期靖甫之必世其家今果登淳祐元年進士第遂續郭君世科一燈詩不云乎是以似之傳不云乎必復其始是豈偉而致哉余懼或者不具眼以愴荒待靖甫故為表而出之

跋皇甫相士

去年春遇皇甫兄於赤壁之清暉謂余曰制帥史公必登政府孟公騎帥必授鉞部使者陳公必峻用大畧已驗今再遇之玉麟堂下所以期主人者猶史公及品齋

一時人士雖未見其驗否亦灑灑可聽余為天下之至
無用自知非萬里侯相兩地會晤屢費道人眼力且謂
余它日尚須在兵間驅馳酒酣燭暗堅欲索余言為話
柄余聞之里人曰士有赴科舉者多詣卜肆以訊得失
日者為陶器數百古以為撲滿者以待之至者輒予其
一曰先輩此舉必魏古今以始日以一金置此器中則
大書一落字母乃皇甫兄所以戲予者歟交遊相問可
持此薦一大笑驗不驗姑置勿論

跋商宣教携示先開國遺墨

嶺表去天一方自三吳來仕者求諸里人猶鮮况北方
之人乎况北方之同郡邑者乎况又北方之同郡邑南
方之有事契者乎况又北方之同郡邑南方之有事契
越五六十而子孫相邂逅者乎鄒亭沁水木澗盤谷
知在何所而一寓於漸一寓於廣乃相與叙昔人之甘
棠話故國之喬木此殆千里似人空谷足音也商兄不
遠不鄙携先世手澤相訪非有典刑豈俗事所能哉再

辭書此以返之疇昔先太宰以建炎己酉入潯先開國
以淳熙己酉在賀不肖孫又以淳佑己酉來桂百二十
年間祖孫六世而三臨之家北人也與南方有緣如此
又皆在己酉豈偶然哉因併及之

題吳太師書軸

活千人者有封太師吳公盛德之可紀者某生也晚不
盡知但聞當持節時發粟賑饑活民陰德不知其幾千
人矣王溥官職某不做兒子二郎必做固天下之所共

期者今方旦爽左右種蠡中外三槐王氏又不足以望
下風矣緬想典刑九原不可復作一日客趙君必實出
示公之遺墨蠅頭細書溫然光霽可掬中間為士風為
公道切切慨歎真足以砭劑時病使進諸國醫此其家
藏經驗良方歟某歛衽伏讀之餘趙君俾識軸尾用拜
手謹書

可齋雜藁卷二十三

欽定四庫全書卷

可齋雜藁卷二十四

宋 李曾伯 撰

青詞

代廬帥上元祈福

上元校福之辰維春伊始當路宅生之寄與歲俱新敢
瀝丹衷仰投洪造伏念臣猥將漕事兼領帥權眷封圻
數郡之間自邊戍累年之後久更雨雪士未能解甲以
還營數有風塵吏不免調丁而轉餉茲屆陽和之候共

祈安靜之休爰演真科用迎和氣伏願穹靈監在誠意
潛通諸夏底寧一旅絕朔庭之警有秋登慶屢豐臻南
畝之祥

代合肥禳火

同日告災甫深嗟於近境融風扇虐亦微及於此州肆
懷警懼之誠爰舉禳禳之典伏念臣猥分臺閭邈在疆
陲比屋以居半茅茨之相接崇朝其頃幾薪火之載驚
雖天道之難知恐吏愆之所致用稽灌竚亟演琅函伏

願闕伯藏威蜚廉歛怒雲霓沛澤坐消扇燎之虞老幼
奠居同享平安之福

代合肥祈雨

序紀大雩浸若常暘之沴禮崇辟望尚愆解澤之施敢
瀝丹衷仰干洪造伏念臣誤膺隆委邈在窮邊靖惟時
事之戚休實係歲功之登耗茲臨龍見未應鶴鳴黍苗
正堅於敷菑麻麥浸妨於滋長吏誠有慊民則何辜爰
敬祓於齋壇用肅延於飈馭伏願道慈廣覆靈鑒潛通

雷雨之動滿盈亟起夏畦之病天地之間豐美用臻秋穡之成

都司代宰執禳蝗

民方艱食期嘉穀之用成天未弭蓄尚飛蝗之為孽用殫忱悃仰瀆高明竊念臣等職忝弼諧道虧變理師旅且加之饑饉公私又竭於蓋藏薦歲大祲已起無禾之嘆屬時孔棘豈堪有蜚之書萃中外之不憂倭東南之一稔茲由畿輔遠暨江淮皇皇形億兆之心蟄蟄駭衆

多之羽慮深當宁咎在愚臣爰蠲潔於琳宮冀感孚於璇極少回帝鑒即庶農功伏願閔此鞠凶去其種類東昇炎火聿資田祖之神實維豐年允協牧人之夢

代禳蝗意旨

位聯輔政道昧調元未能十雨九風之維時適值一旱二蝗之繼踵殍殣相望菜蕪多荒嗟汝農人一稔正期於卒歲害我田穉羣飛倏見於刺天近從畿輔之郊遠暨江淮之境若時為孽厥類實繁深懷中夏之安危實

係有秋之登歉天非弭變人益阻饑緊民生之何辜皆臣等之有咎用祈景貺輔作康年去其螟螣之災貽我稻粱之慶俾紓國力允荷帝休

都司代宰執祈晴

多稼用成將畢三時之務積陰為沴恐虧一簣之功載惟大計之實關匪但小民之易怨浸淫未止刈獲有妨致上心厯愷切之憂皆臣等昧變調之理供陳薦藻望切傾葵伏願俯念時艱潛回帝鑒重雲解駁亟舒杲日

之明高廩豐盈汜保康年之慶

代祈晴意旨

有秋將遂積雨為愆當閭閻易至於怨咨懼場圃或妨
於登穫爰殫忱悃上叩高明謹延奉於山真用吉蠲於
琳宇仰祈慈光下照陰沴潛消亟回玉燭之明庶格金
穰之慶

都司代宰執祈雪

律回大呂預占百穀之宜令爽元冥未覩六花之瑞敬

殫微悃仰冒明威伏念臣等功乏濟時道乖贊化每賴
帝心之默佑深虞時序之或愆杪歲將臨同雲未合野
有遺蝗之慮民懷多厲之憂爰演沖科用迎嘉貺伏願
乾坤薦相勝異效祥應平地盈尺之祈繼之三白兆豐
年億秭之慶慰彼羣黎

代祈雪意旨

杪冬屆候瑞雪愆期陰陽未應於天和時序幾行於春
令阡陌慮蝗蝻之為孽閭閻形病癘之過憂深懼贊襄

有乖變理爰潔涓於琳宇用祇扣於璇穹伏願協氣潛
回同雲密布散作千里蜚化之慶預開來年多稼之休
庶副民祈式寬臣責

母氏除祥

闕地及泉嗟棘心之罔極鑽燧改火倏冀朔之再周祇
對昊穹泣陳哀悃伏念臣母臣妾起家辛苦鞠子劬勞
僅登六秩之年遽抱九原之恨音容浸遠日月易流興
懷陟屺之悲矧復在原之戚始終七載禍變相仍長幼

一門凋零如許皆愆尤之所致負痛苦以何窮爰即除
祥並修崇薦伏願南昌度厄東極垂慈憑藉津梁共導
游於山國嗣承香火未隕墜於故家

茅山為亡弟小祥

恩義至情莫如手足死生永隔浸遠音容敬竭丹悰上
干洪造伏念臣行虧孝悌身積罪愆怙恃二親已嗟早
世零丁一弟弗克享年僅存襁褓之孤復成幻迴之夢
禍患至此痛苦奈何對晦朔之告周顧形影而相弔追

懷舊歲禱叩靈山雖大數之難回豈初心之敢負用修
崇薦爰行真科伏願黑簿銷名朱陵度厄拯幽拔滯永
毋墮於輪回追遠謹終俾有為之紹繼

江東漕祈雨

三農告旱致當宁之軫憂一道觀風為斯民而請命輒
忘再瀆敢瀝寸誠眷維公家多事之時值適頻年用師
之後流離麇集纍纍而仰食軍旅狼顧磬罄以張頤所
望有秋以保諸夏茲不雨至於斯極况有蜚而且為災

疇折猶龜河流如線非但穡事興失時之嘆亦將糧道有弗繼之憂伊民何辜皆吏之咎倘三日之霖未應則一歲之計奈何用藏殊科載祈嘉貺伏願曲回天鑒俯念民生澤起龍蟠大需崇朝之愿境無蝗害庶臻中熟之年

采石水府廟祈雨

慮極龜疇陽愈熾瞻言犀渚神物所潛爰就建於靈壇用甫延於真馭眷時適多虞之際方歲惟一稔之期

背夏涉秋迺歷時而告旱自江暨浙合數郡以同憂不
惟大田多稼侵就於槁枯亦且閼水行舟莫通於餽運
雖僅四郊之枯潤未蒙三日之滂沱豈天怒之未回繇
吏愆之所致不雨至於此極吾國其何以支伏願大垂
金闕之慈亟下綠章之勅天龍一指救民命於垂危螟
螣盡除保農功之中熟

新居修造畢酬願

負郭二頃舊守先廬有屋一區新謀近市葺修竣事枚

滌輸誠伏念臣逐粟四方轉蓬數載和淵明之賦田園
久悵於荒蕪懷子雲之居風雨尚虞於凌震今粗成於
輪奐庶知有於帡幪恭演真科用迎嘉貺伏願廣垂鴻
覆俾適蝸居繼此息肩保戶庭之無咎安然聚首與家
室以相宜

壽園祈雨

敵人犯順薄新壘以頻危大德好生乞洪流而請命用
伸虔扣仰瀆昊穹伏念臣保障非才慢藏納侮以斗州

三月之役聚此蜂屯當勅敵四旬之圍凜如魚釜雖王
師之進援與敵勢以相持橋扼中途彼有三面之勢灘
多淺磧我難寸步之前眷人謀至此浸窮非天意而孰
克球皆謂得數尺之水即可以濟三軍之師爰演冲科仰
祈沛澤願削微臣之祿算以保孤城之生靈伏願雨施
屯膏風來良位捷傳淝水伸萬里之國威圍解晉陽免
一州之兵禍

解壽圍謝感應

地有所必爭爰致窺城之釁天之佑者順幸收卻敵之
勲感洪覆之生全罄素衷而報謝伏念臣縲分邊寄適
際時艱城彼州來既昧春秋挑吳之戒截於淮浦畧無
小雅却敵之能方其築長壘以閉圍據中流而斷塞環
烏孫於境內肆逞狼心視赤子於城中幾同魚肉矧亢
陽之適值雖擾旅以莫前嘗瀝露香馬清氛侵果荷溺
焚之拯救有如影響之感通得一水以施斷橋拔柵之
功不信宿而報全壁班師之喜脫新墉於危棘震中國

之威稜非天意有以保之則人謀安能致此用陳淨供
仰答殊休伏願上帝垂慈高真降鑒生民弭禍毋興南
北之分爭醜類革心永保東西之分守

黃錄普薦陣亡

大敵窺邊嘆閫謀之不力皇穹悔禍痛兵難之無辜敢
殫迫切之誠上瀆高明之聽伏念臣浪兼兩鎮倏閱三
年不能限戎馬之弗侵未免陷生靈於多故或將校卒
伍身嬰矢石之衝或工賈士農家被干戈之厄或流離

而亡於道路或抄擄而沒於穹廬或因之而致凍餒疫
癘之災或值此而遭水火盜寇之難嗟衆生之不幸雖
浩劫之難逃然一夫有死咎將誰歸而三軍司命罪復
何逭想馬醫夏畦之鬼與沙場夜哭之魂雖舍生取義
之無慙而茹痛含冤之何已用擇歲終之吉上祈天佑
之恩凡而由師旅之淪亡同此入坎離之鍊度物化輪
回永無沉墮遊魂精氣咸與超昇用答譴尤以酬心素
伏願照垂慈造盡滌宿愆厄度朱陵咸享人天之樂塵

情紫塞俾安老稚之生

淮閩得祠歸里

非才分閩每懷誤國之憂得請歸田實賴自天之佑謹
攄情素上答穹蒼伏念某本以書生謬專戎事任兩道
十數城之寄凡一千五百日之留八經師入之虞機無
容髮三歷邊圉之急食不下咽幸肅奉於皇靈獲屢摧
於敵魄事危虎口命等鴻毛四封未靖誰實尸之一夫
不辜臣之罪也茲撫躬而興懼累抗疏以丐休恩錫公

朝生還故里善釋千鈞之負許尋一壑之盟非造物者
賜之豈臣力能及此捫心有幸感德無窮爰載潔於齋
壇用仰酬於景貺伏願三靈對越寸念感通猷猷不忘
欣際昇平之運戶庭無咎永為蕭散之民

荆閭辛亥保安春哨

分閭罔功頃慮防春之擾籲天請命幸銷大夏之聲輒
瀝愚忱仰干洪造伏念臣驅馳已老牧御非才洪流為
沴正切民憂青草將生又傳風警卒邊塵之不聳皆陰

佑以無虞敬演冲科用酬景貺伏願上帝曲廣好生之德俯憐微臣本無嗜殺之心惟築惟征賴威靈而集事於疆於理與封部以奠居

荆閬辛亥保邊醮

國之事在戎莫重舊邦之復天所佑者順實依厥鑒之臨敢瀝丹忱仰干洪造伏念臣材非用武職乃幹方生平對越之心惟憂或失分表經營之想何力敢為睠時襄樊本故疆宇十五六載付之榛莽數百里地隔以腥

羶屬君命之有嚴犯兵家之至險執戈荷鉞暴之燦日
之中挽繹連橋觸彼洪濤而上一塵不聳二壘迄成彼
敵雖及境而遁歸吾旅悉全師而克捷是由天意夫豈
人謀第兵交寧免於殺傷而敵忿將萌於侵軼凡皆臣
罪深為民憂所憑宗社之靈其保封疆之固用醺素願
爰演冲科伏願昭上帝之好生佑中華而降福城郭人
民之皆如舊重欣風景之還山川鬼神之罔不寧盡洗
妖氛之染

武當修醮

別名山三十年久嘆煙塵之隔統楚地六十里後瞻香火之新厥有宿緣獲依靈佑伏念臣粵由弱冠嘗謁殊庭夙承先志之敬恭常賴危機之保護中嗟福地亦墮劫灰山川鬼神為之弗寧城郭人民傷哉非昔敢謂中朝之過聽俾叨外閫以來宣氣數當回封圻載復命羽流而往奉知廟貌之不移爰潔丹忱遠陳清供念負乘尚虞於致寇而干戈寧免於殺人匹夫非辜微臣之罪

是雖共於王事恐未契於天心敢為兩道之民用祈衆
真之貺伏願虛危躔之照耀翼軫分之乂安一馬不驚
見昇平之世界五龍如昨還清淨之道場

士子禳火

疇昔之夜當新火之方更獲罪於天忽融風之肆虐燎
由魯殿延及頰宮方烈焰之騰空幾比廬之掃地投誠
盼嚮弭變須臾謹推咎以省循演冲科而告謝伏願免
貽民禍責止臣身賜福虛危常假元冥之助奠居翼軫

永消閼伯之威

士子保安春哨

地雄諸夏慚非分閫之才天佑一春幸弭侵邊之敵敬
伸丹悃祇荅蒼穹屬時青草之方生倏報赤囊之將警
列城經理之幾慙局鑄之尚踈四野生聚之繁恐金革
之不免懼吏不武致民無辜賴肝蠻之有孚底封圻之
無失至於鄰境雖連月之跳梁執彼渠魁才七日而退
遁此非人力盡出天威謹蠲穀旦之良庸展蘭場之謝

伏願衆真助順大造好生周禾溫麥之告成敵無鈔掠
漢水方城之修備國有藩籬

可齋雜藁卷二十四

欽定四庫全書卷

可齋雜藁卷二十五

宋 李曾伯 撰

古風

丁亥紀蜀百韻

太歲在卯背義馭正東陸

自二月初八日敵越鐸龍橋

羽書西邊來

敵騎報南牧倉茫星火急飄忽風雨速憑陵我封疆剽

掠我孳畜一越摩雲險

摩雲嶺在大潭縣之上最為險隘而官軍不守

已汙宕

岷俗再度峯貼隘

峯貼隘在階州官軍守花石而敵由生蕃路來攻遂入階州

重為

武階毒敵人忽令名

忽令兩令探者以為憂國二字

見謂蒙古屬

戎司以為

蒙古而或又以為部落為蒙古所驅

或疑女真詐頗訝疊州族

此皆一時邊人之論

衣毛不知帛

羌人多以皮為衣

飲酪非茹粟

羌人惟食牛羊不甚食米麥

勁

弓骨為面

戎師所獲羌人之弓以駝骨為面箭亦有骨為之

健馬鐵裹足

戎師獲到

羌人馬蹄以鐵裹時人以未必有此獲全馬却無

駕言取金夏其鋒不可觸如

竹迎刃解猶雪以湯沃先聲張虛疑我師遽蓄縮心已

執檄迷手為望風東

一時所傳蒙古不可與戰以此官軍望風不出戰

策昧戰

為守計乏奇與伏西和久間斷

西和自三月初被圍三月末道方通元不遣兵

解文南暫躋躅

文南敵人三月初攻石鞬關止五十餘騎守倖以下春聚并百姓空城而出

將利僅小退

凱音誤

敵攻將利程信誤以捷音報

蘭臯要寸功

制司誤得捷音大帥遂領帳前將士上七方將直至西和遂有程信之敗是日敵直至犀牛渡

良將半

喪

蘭臯之戰麻仲馬翼王平俱死王事皆西邊良將也

敗書丙夜聞前茅石門

宿

制垣到石門是夕敗書聞遂不敢進

亟令控三關謹毋費一鏃魚梁閉

仙原

仙人關在魚關下前即殺金平制司元以程信守之

武林護干谷

武林關去興元一百

二十里以李

七方對壘持

七方去沔州近百里元以麻仲守之仲死吳桂守

相

戒前轍覆縣官塞蹊徑

制司自去年以來專塞小路春間差官斷塞而交徑元自可通

戰士據林麓由是關以外民皆棄廬屋

三關以外並無官軍民皆流徙

有老小入關而關

西康至天水患不翅蛇蝮

制司令西

兵不納怨聲盈路

康太守陳

安清野安雖能守而既無官兵境亦蹂躪

鳳集一炬餘

天水守張繼檄令間守仙原天水棄矣

地已付麋鹿

鳳州敵元不到去敵兵何翅三百里制司擬鳳守吳剛同守武林遂委焚蕩為禍最

慘

河池本無虞百里禍尤酷

河池敵亦未到上司清野盜賊潰兵乘之遂委焚蕩

羣盜沸於鼎

是時關外百姓皆聚為盜賊有所謂括地風穆黑子之類

流民湊如幅

母悲愛子死夫沒接婦哭城市委焚蕩道路紛怨讟於

時益昌民十室空五六

是時益昌之民皆入山避徙

牙檣嘉陵來舳

鱸尾聯屬

三月初七日收音到沔制司宅卷登舟下益昌凡百餘艘十一日到益昌閱三日下午果聞

十乘隨啟行驛書轉加促鼓吹喧後部

三月十八日大帥起發沔州回

司益

旌旗蔽前

大帥行司隨帳以一萬人計旌旗鼓吹蜀人前所未見

兩勞使

者車

令黃漕守彰明胡漕守保安橋以防文南之警二漕未到而敵退

三分元戎露制

謀出會卒以便宜除二漕為制副使

重以潰卒徒跳梁滿山谷

興趙原戌卒郭桂等

數百人以戎司李大亨調發失宜遂叛聲言欲殺不平人

聲言誅不平未知不平孰

人情往傷弓未免驚曲木土著避鄉井

是時益昌富家並携老小入山

避游手伺風燭

是時益昌市井小人乘時拋火者甚多欲以作亂

嗟哉是日也

性命龜未卜事機正譎張天時幸炎燠

敵人不交戰以天氣炎熱特

穆津死

而退 晉邊死李龍周翰奮方叔不聞武侯敗街亭誅

馬謖

蘭皋之敗寔帳前要功而行既敗以違令罪程信

猶有孟明在焚舟報秦

穆

程信雖敗較諸將尤勝勅以減口或以為過

不待斬樓蘭聞已事董粥

是時

或者云朝廷已與敵人議

和將遣使通幣所以無戰

搢紳屐欲折意氣喜可掬中

有山西人慊若國深辱問之何所云首疾已頻顧大言

往者悔幾已潰心腹

謂徒守三關而幾透文南也

尚為來者憂不知

護頭目

謂徒守三關而不知以五州為籬落也

厥今敵雖去鄉道渠已熟

敵兵之來皆本朝
邊人為之鄉道

三關固天險五都恐日蹙

是時自三關以外莫

為盜區不止日
蹙百里之謂

不見關以外處處空杼柚朝廷無事時

司農積邊穀一朝棄糞土知幾十萬斛

總所五州錢糧開失三四十萬

斛民力哀何辜邊人罪難贖色雖帷幄喜骨尚原野暴

未旌平涼家

戰士沒於陣者不聞優恤之典

方起鄒陽獄

諸將以主帥不能壓服間

有怨言是以有王興宗之
變統制安遠父子死於獄

辛苦在貔貅恩賞歸雁鴦市定

恩賞未及戰士而帳前
吏卒以下皆賞有差

幾効先軫死不及介推祿

謂麻仲馬

翼輩死王事而
恩賞不加也

魏師付乳臭

謂帳前提舉王惟祐輩皆小兒

漢校起奴

僕謂何克勤及諸

平時好糜爛深刑痛敲朴平時凡送必勝軍送

戎司者無不死諸非命未於時在勞來仍忍逞誅剋至

嘗明正典刑不能以數計於時在勞來仍忍逞誅剋至

州殺戮如故叛兵就招盡死於頗聞富害藏悉已發麥

必勝軍之手日以一二十人計

菽邊頭民間害藏邊無一人耕食能幾日蓄田里思反

業百姓敵退後官軍一出原堡未修築邊頭原堡悉已毀壞敵退更不

修復了無金城圖酣事銅鞮曲敵退之後不聞謹武備諸公惟事高飲大失人望

朽索駕虛舟空奩著亡局縱君不懲艾而我為慙慙我

聞報中朝四境已清肅傳聞敵元出沒境上而一人萬遽申朝廷境內清肅

人心可欺寧可服當時屹如山一二臣可錄凡此保蜀
功兩和李公獨趙公繼一出頗慰沔人欲益昌所毋動
餉臣尼其轂公論雖未泯天幸不可復安得如紹興魏
公任都督以口伐可汗我恨匪元璫徒能効曹劌遠謀
鄙食肉言之貌愈切至此淚幾簌客既聞斯言稽首拜
且祝九廟宗社靈百城耄倪福德澤在天下人心久滲
漉徒以成敗論公等皆碌碌伯比議莫教為賈知子玉
春秋過責備小事書簡牘子其鉗爾舌毋取斧鑕戮漢

人悔雁門唐師老鴨綠有道守四夷初何事窮黷不戰
屈人兵正豈待驅逐吾皇天地心萬國圍春育疇咨元
帥功非夕則在夙出命宣黃麻入相賡綠竹除書從天
來恩禮方隆渥三公應鼎象相與運坤軸小夷置蚊蚋
壯志寄鴻鵠分無萬戶印莞爾一盃醪熟慰豪傑心有
詔不盈軸堯門萬里天意者未親矚君相勤外憂必有
寧我蜀

過涪州懷伊川涪翁兩先生

昌黎昔作潮州游潮人百世稱名州又聞柳州柳子厚
柳人至今愛其柳二公皆以文鳴唐所至不偶為異常
卒今江海流落地化作文物聲名鄉涪南僻在巴子國
地絕中州少人物天將儒道淑是邦曾向先朝處羈客
河南夫子間世賢山谷老叟人間仙一時轍迹相繼至
頓使光價增山川嘗嗟道從孟軻死一貫誰能接原委
又嗟詩自杜甫亡四海誰能造詩壘幸生伊洛續聖傳
鳶魚遂復窮天淵從而江右振餘響清廟又得存遺絃

今踰元祐二百載草木涪人尚知愛文章性命雖匪倖
氣象風流久皆在惜乎兩公生盛時下與屈賈同驅馳
涪人則幸公不幸天下應怨涪人私

壽襄閩

江南三月春事濃人間處處熙東風山陰亭下羽觴舉
長安水邊簫鼓從衣冠酣燕太平久干戈浸鈍鐵鉞朽
神州風景雖慷慨已付新亭一盃酒皇天佑宋當時
乃眷疇作邦家基水晶宮裏毓奇瑞翼日生此神仙姿

平時功業在學術治道邊防講明出遂將姬旦勤勞心
一洗吳人侈奢習襄陽自昔天下雄形勢今處常蛇中
形弓茲矢自臨牧輕裘緩帶惟從容雞鳴而起夜無寐
切切安危以身繫四維盤石固遺慮千里毫釐尚深計
一民未飽公足食一兵尚寒公以衣蒼顏皓鬢已若瘠
黃童白叟人其嬉瞻言二十三郡國根本其蕃賴封植
農知奠枕士超距豈但邊人戒生隙幾番河檄動漢關
折衝隨出精神間平淮既敵江漢盛救邢況盡春秋難

往時國未一興役動以千金大農給自公邊用足幙府
不費中朝一毫力往時餽餉識調師粟殆不及暮年支
自公留屯上方畧粒米狼戾如京坻規模宏大如有此
古猶其難況今擻朝廷宿望四海重中外先生一人耳
我聞文正腹有百萬兵西賊聞之心膽驚曾中武庫今
十倍一塵宜弗輟輜侵忠定昔年鎮全益一信五年方
做得況今終始一勤字十年之間未嘗息噫嘻楚人申
討無日休越人生聚幾歲周規摹止俟機會至社稷固

賴封疆謀史毋比公僅羊杜雅毋詠公止申甫昌唐安
得十元吉平蔡惟須一裴度黃扉紫闥深帝思袞衣赤
舄行公歸願公壽躬壽王國牛馬下走亦作壽域之黔
黎

贈黃虛舟

昔唐人張志和以煙波釣徒自號玄真子時顏魯
公刺史湖州志和入謁公問其舟敝漏請更而已
其嘗謂魯公一代翰墨老手礪磨浯溪之翠以為

功名之士勸而惜不能墨苔雪之水以為道義之
士重與之舟孰若與之字也虛舟詩伯晞志和者
今茲來自楚渚謁我大閫而我勉齋老先生為之
欣然領會濃墨大字賜以虛舟泊渚四字使之增
賁邱園歸耀草木今世布衣中得此於王公大人
者無有也而況先生筆法今世魯公志和之所不
得者而虛舟今得之其可無歌因取是以為二十
八字其詞曰唐人筆法說顏書惜對玄真一字無

今日虛舟載歸去清風從此盛江湖虛舟行有日
併作短歌以餞

君不見君家知命今師日白衫騎驢人不識當時畫作
梁園圖惟有龍眠老仙筆又不見異時知命離戎州終
身願學陶朱遊能令太史為著語此比西子同扁舟君
今名在嫡孫行數載浮家渚宮上秋風細起鱸魚釣落
日馱成院花樣孤篷短轡成兩奇一朝復見江南詩風
流信是古難繼亦有軒輊誰為之我知長耳困阜櫪突

市衝籬久狂蹶逢京兆節僅免辱入華陰門幾遭詰不
如小艇楓荻洲水天碧處盟沙鷗凌波三歎洛妃恨招
魂一洗湘纍愁騎驢不下竟為惑縱蒂所之樂何極與
今坐上嘲子瑜爭似舟中懷李白奚庸二畝藜莧圖足
歸一枕黃梁娛持竿鼓枻貴適我解鞍截鐙無從渠厥
今龍眠麟筆不可復太史鸞膠尚堪續我亦苔溪漁隱
徒亦有水調遺子以一曲

和劉清叔襄陽隆中行

老瞞晚當漢道卧黑雲觸天月新破英雄湖海應如響
獨向南陽靜中坐當時不遇劉豫州抱膝吟嘯誰為酬
本圖一旅復夏祀豈為萬戶伸韓讎彼攸官渡瑜夏口
非不功名咄嗟就甘心蒿布嫁之子肯以金夫易吾守
惜乎天下思漢心是際不及西都深皇天不祚機再失
馬謖之敗雲長禽空存遺廟千載後過者猶知袒為右
嗚呼龍乎如有靈盍使胡營落天狗

謁南嶽

來謁衡嶽山未窮衡岳境
藝香赤帝殿恭祈國壽永
娑禹指山僅窺虬龍影
分枝萬派別功與天地準
悅亭萬竹間倚邱甫俄頃
披雲挹蒼翠俗慮須甦醒
王事屬有程山容看難盡
歸來短篷底夢斷青松徑
雲開為韓子雪霽朱張詠
必如三先生人與此山稱
我生等培塿安敢喬嶽並
好峰七十二詎可一朝竟
男兒萬里眼長嘯付一瞬
終朝摘星斗寘身祝融頂

詠衡嶽禹栢

我來衡山下古梵見老栢森然星堦分亶有神明力風
霜飽更練雨露富培植嶽靈共長久造化與消息本盛
柯葉茂夫豈一朝積中斷尋復續生意仁一脈亦由功
萬世何止祚四百五子歎將否一旅少康出此殆皇天
意髣髴留禹跡倚為赤帝佐正此蒼官色存古追蠡在
比休元圭錫稽首千萬年五丁謹封植

跋曾玉堂訓子十詩

玉堂義方訓十字衍而六百十六言一門翁季自師友

盡出學問之根源彼援遺書誠敦嚴暨昶以義名沉渾
爭如此作旨哉味足使聞者推而尊雖然責善友之義
仕教之忠古皆爾讀其詩可知其人非是父不生是子
書紳我亦且服膺過庭夫豈弗由禮觸屏教諂勢利徒
得不為之望風愧

戊申和嘉興守瑞麥行

瑞麥歌懷安三岐及六穗嘉祥不虛出良以氣和致人
言一草木華枯且為異況茲一曰食有是三足記此邦

今扶風中興號佳地去年歲千厄衆懼憂莫弭入春雨
暘若嘉驗應期至賢侯政事師其清一杯水孜孜布上
德念念在民事東都循吏孰漁陽史君似一麥露雙穎
異世風同軌華黍續新雅嘉禾繼前瑞老夫卧陋巷聞
此躍而起一屢猥受膝二天幸托冀誰謂大慶賚俯亦
及憔悴自今豐年兆不苦力田匱當知太守心根源自
宮闕務豐且重穀感召至茲類昔襦今五袴千里共衣
被相逢二三叟相慶更相慰不圖田里歎轉作謳歌喜

酆顏溢鄉老歡聲浹鄰比餘波賸沾丐罔功有餘愧攄
毫頌公德拜手及公賜長安咫尺天政聲轉聞易嘉汝
龔黃績寬予堯湯備歸袞陳嘉禾經綸展斯志

巳酉夏詠月巖

老蟾竊靈藥墮魄下塵寰跡誤采石江名虛巫峽山長
風送之來寄影千丈巖列壁當層雲虛白生光寒婆娑
仙桂影中著孤根蟠宛宛學扇初盈盈一鈎彎如出滄
海頭半揭烟宵端風雨不改度晦朔重循環山靈奪天

目作此奇哉觀閱盡來去人不蒼其顏所欠斷鰲始
一闕難磨鏡憑誰駕長梯取置懷袖間為施玉斧工修
作寶鑑團豈無女媧之手呂翁指運此神造應非難何
如存我真面目嫵媚一笑只作青山看

詠了頭巖

我嘗采石山頭見娥眉且看濃粧淡抹兩湖宜何物老
嫗生此兒又覩雙髻尤為奇五丁刻畫盤古時黛綠常
假山靈施春風閱盡不肯筭素螺頭立鬢不絲梳雲沐

雨客為誰相逢婉孌是似之古今知幾經品題我困暑
役何能詩祇疑前山月鑑故半虧嫦娥妬客耶焉知非

庚戌過浯溪讀中興碑

嶧山一何青浯水一何綠上有唐朝碑蒼崖與天矗清
廟倣遺音靈武號實錄其筆走風雷其文貴金玉曾經
兩賢手足耀千載目後來紀名氏前鑱後且續豈無黃
絹辭中寓白圭讀一辭不敢措我懼此碑辱雖然勿泥
古詠嘆豈不足嶽將降甫申吾皇車攻復將墨東海水

且汗南山竹勒功岱嵩頂豈但清溪曲

和士友傳勉之喜雨韻

老生本不學軍旅來護荊州國門戶慚無善政格休徵未能
雨十與風五今年甫幸登麥喜入夏又以槁苗苦驕陽杲杲
地欲赤身願為騂措無所辦香惟有老天告難以中心共人
語當知歲計國計關不但區區飽吾楚我持皇穹不絕物寧
忍赤子失其乳彌旬果爾三沛澤靡間西郊與南畝灌園遂
省桔槔力行道奚憂豆簞呼農皆眉間有色喜士亦胷中以


奇吐炎埃萬里一洗空手扇為之却紈羽我願天地朝野和
常若淵泉以時溥多謝豐隆屏翳已奏功毋使吾民復咨雨

詠荊州瑞蓮

物有出乎其類者則為瑞一枝而雙芳蓮之瑞也
然而已不多見淳祐壬子六月荊州書記廨治方
池有千葉蓮盛開客蜀人費康居之持以相示有
雙花者有四五六三花而同一蒂之者花盆池類
然不一二數也余嘗謂禾不必同穎麥不必兩岐

時和歲豐家給人足即是上瑞是花若無足誇者
客有謂昔人以王儉幕府為蓮池荊州環郡城面
面芙蓉是花不開於他所而開於幕廨顯人物之
盛也余因其言而推之是花豈特為荊州地哉先
儒以蓮為花之君子吾皇登崇雋良聚在本朝茅
拔而茹連肩摩而袂接方將興太平之階水神有
靈獻此嘉產所以表朝多君子之慶是不可不紀
也某用刻之梓繫之以詩曰

蓮之為瑞固有之水神豈肯輕鍾奇雙花僅見子辱表
並蒂嘗著原父詩未如今年荊州幕拔萃出類羅方池
二花三花四五花至於六花同一枝根黃太華玉井藕
彷彿函德銅池芝曉來朝日千葉開宛若羣玉齊頃葵
花工示人厥有象豈止綠沉而紅依花中獨此號君子
愛蓮有說聞濂溪方今衆賢聚本朝左右周召而皋夔
朝和物和天地和薦之千載之一時主人生平不好異
一見錯愕開雙眉此天產也豈人力賦此直欲同僚知



可齋雜藁卷二十五

欽定四庫全書

集部

可齋雜藁卷二十六至

詳校官庶吉士

臣吳烜

主事

臣呂雲棟覆勘

總校官庶吉士

臣倉聖脉

校對官原任典簿

臣郭祚熾

謄錄監生

臣連彭年

欽定四庫全書卷

可齋雜藁卷二十六

宋 李魯伯 撰

五言律詩

曉行梧桐嶺

擔簦畏炎暑肅肅問宵征
馬首已十里雞聲纔五更
雲迷青障小月掛玉鉤
橫農舍欲安挽戒奴毋大驚

輜中假寐

孤枕欠曉夢短輿償午眠
籃搖小兒卧龕定老僧禪
少

暝溪山眼良勞僕從肩醒來斜日暮亟喚玉驄鞭

過京山

總角嬉遊處重來轉盼然溪山猶昨日朋友盡中年舊
話逢人說新詩為客傳喚回風雨夢猶記北窓眠

入郢訪張學賓因覩舊句有感

此君嘗識面閱八載重來倦鳥欣曾宿棲鸞去不回
陰餘舊墨砌下長新苔多謝東屏主時時為拂埃

登郢州白雪樓

野迥乾坤濶樓高歲月深江山不今古人物幾登臨雲
影埋荆樹風聲快楚襟何須喚商女白雪想遺音

登郢州四望亭

復出煙塵表乾坤指顧中數峰連野迥一水與天通沙
外迎孤鶩雲邊數亂鴻家山在何許心與大江東

蜘蛛和韻

物有小而智虛簷寄微縷了不介天地何以芘風雨蜂
蠆嘗自投螳螂不敢侮去面類湯網取象得義罟絲吐

雖非蠶蠅視有如虎真巧非人為羞煞金針女

入蜀墊江道間二首

紙破夜受用布袍朝奏功光陰半行客氣象一衰翁何
事朝伊夕纔非雨即風年華苦相背歸去又匆匆

驛路交游熟江山契分生故人梅撲面薄倖柳忘情馬
躍霜橋步難啼月店聲豹狼俱歛迹應避使車行

用從軍古云樂為韻賀楊覺甫制幹

海宇材能盛風雲氣類從一賢居上介千里折遐衝客

事須孫楚論詩得正封城東未為好終不似烏龍

明君切西顧元帥作中軍賓客湖南上人才冀比羣三
鱸存絳帳一鶚在青雲磊磊軒天地詩書有雋勲

求士近取材論人遠稽古鄭公得杜陵晉公有韓愈上
思利社稷下不愧賓主斯言宜服膺餘子未足數

國有金湯在鄰修玉帛云夷侵由廢雅苗格自敷文當
字形宵慮公車以歲聞便當從幕府入校道山芸

伊昔先賢心天下等憂樂時分蜀道弓慮切漢關鑰揮

及得屠牛察脈寬扁鵲岷峨望不淺持酒為君酌

用談笑青油幙為韻賀吳叔永制機

取士雖多術知人在片談文書今倚重謀議許相參餌
陋賈生五策明劉蛻三坤輿方厚載朋利得西南

勲業登天難易者付嬉笑公駕鵬鵬風來把鯨鰲釣自
比小管樂致主在周召此突豈待黔早晚有明詔

弟兄眉最白人物眼常青論事猶迎刃談兵若建瓴訐
謨皆上策道德有強形辦却聊城矢還書劍閣銘

唐邊重秦隴蜀鑒在江油不易九鼎重方兼四履憂其
間不容髮自此可前籌局面西風異從容夜觀謀
未登紫薇垣慙依紅蓮幕於巷為遇主自牖常納約我
生類巢燕君聞羨臯鶴聽取輿人言岷峨小難着

題劔門寺賀費伯矩韻

不見臺城事君母說苦空佛隨千劫盡人與萬山雄吊
古春酤綠談兵夜燭紅終宵皎無寐萬壑響松風

登閬州錦屏

久識屏山面今朝得勝遊橋梁橫古渡樹影倒中流風
定春檣度煙輕晚市收凭欄誰領解一鷺點沙洲

登果州金泉山和韻

故迹存棲鶴高風掃鏡鸞煙霞局地邃冰雪照人寒妙
句揮濃墨仙顏煥渥丹雖云歸棹晚猶及附飛翰

過忠州訪酆都觀二首

是山來自古與世類相忘雨染新苔翠風吹老栢香神
仙多漢魏祠像半隋唐幾許烟霞侶相從老此鄉

迥絕塵埃表寧無造物司
鹿馴貪客過龍老惡人窺
丹去爐仍在雲生洞愈奇
歸舟天盡際杖履復何時

過江陵和黃虛舟韻

四首

詩從雙井來太史氏復作一葦
天地旋元酒滋味薄有田付
鵠原此屋賴虎幄却笑草玄池
投閣嗟寂寞

達人樂所樂小智憂其憂平生
見飛鳶常憶馬少游門前車
騎喧孰與園林幽虛舟苟欲去
鷗鷺猶當留

聞公有泊渚不遠在異林想勝
輞川畫時作梁父吟絳

帳豈陳迹草堂向遺音朝市有真隱入山無求深
士有似之者異世而同科草亭今蘭亭人物晉永和於
水鮮可釣有酒旨且多叩舷欠孺子一賦滄浪歌

襄州道間驟寒

涉盡江湖道嗟嗟寸步難風敲蘆葉響雨作菊花寒市
酒無嫌薄征衣正怯單家山在何許回首路漫漫

和羅季能上巳習池送客

一雨洗紅鴛春深晝欲眠綠潭波滉漾紫陌騎聯翩
襖

事懷觴豆官身苦檻圈只今王逸少重見習池邊

過樊城用劉清叔韻

古壘連邊色煙蕪帶夕陽十年周翰祀一瓣楚人香樓
堞新宏壯邱墟幾廢荒客懷明哲戒飛夢繞吳鄉

登峴山用劉清叔韻

向來碑在所今見下牛羊魂逐江山老名流史傳香吳
謀千載偉晉事一邱荒不用凭高看中原尚鹿場

淮西幕自皂口入潁道間作

竟日百餘里相逢三數家平岡盡茅葦沃壤舊桑麻短
樹巢歸燕荒城宿亂鴉興亡誰與問馬首夕陽斜

至潁州訪故老

去汴五百里通淮十八村

新河南地凡十八村

荒原王翦骨廢井

伍奢魂舊築河南塢新城塞北屯百年遺愛在六一故
碑存

離潁州道間

戰場千古地咫尺是京河遠磴連荒壁深林長亂柯路

迷人跡少草密獸蹄多憶著中原事令人撫劒歌

曉行潁上縣

斗大一城壘角分雙佛圖戍營多甲士耕隴少丁夫月
落雞聲杳風高雁影孤征人皎無寐趣馬問征途

八公山憶廉頗

在楚猶在趙始終同一頗晚年猶矍鑠勁氣肯消磨非
老無能也如時不利何漢皇還拊髀用壯莫蹉跎

淮淝憶幼度

世未聞風鶴香囊一少年秦非無敵者晉固有人焉社稷一枰上山河孤注然江東正朔在或者諉諸天

黃州上巳和王子方雪堂韻

五年安出處斯道繫污隆血指笑餘子頭顱老此公屋梁懸落月花卉帶香風生氣鎮長在大江流不窮

贈富春子

予頃漕金陵始識富春子於督府人物如林中一見謂予為今日之役且曰必繼趙東閩是時直付

一笑閱五年過江相訪扣以昔占其來今願占其
去乃卒無所答臨期索詩因書以贈

向說淮東役江東始見時相逢無別語所問者歸期戎
馬紛何已著龜聖得知天津橋上看成此蔡功誰

贈鄭通菴

與子前言戲驚人昨夢然辦心求學道絕口戒談天適
我煙霞外任渠牛斗邊明年茅屋下共玩養生篇

送揚州胡倅赴堂名

擊楫同呼渡勤公佐此州邊防新績用湖學舊源流未
了平戎檄還催向闕舟君王方仄席檣燕勿遲留

里社久相於深知我計踈壯懷方磊磊別語又渠渠竟
日猶傳箭何時可荷鋤煩君看三徑松與菊何如

贈李尉歸雪川

佩絃示良規恤緯寓憂抱人為海鷗懼誰謂屋烏好子
別肯贈言我愧未聞道藥石十數字喚醒知幾早

和清湘蔣省幹酒色財氣韻

辛巳年作

爛醉非生涯小人若甘醴斧斤戕太和狂藥害正禮可
惜竹溪逸不飲潁之水名教有餘樂公未知趣耳

風花落春紅歲寒傲霜竹彼欲褒似笑焉知周人哭白
髮悲梨園芳草慘金谷無使桑間音亂我杏壇曲

網者棄魚小獵人貪鹿肥不見阿堵物見惡寧馨兒銅
山變荊棘錦帳啟藩籬萬物與同毀千駟吾何為

乾坤一枰碁今古一杯酒悲哉易水筑陋矣鴻門斗將
軍跨下出宰相簞中有唾面使自乾拭之費人手

小亭閑止

草草家林適時時步履過跨流通略約枕岸擬牂牯牆
外千竿竹亭陰數畝荷年豐遂閑止老境足婆娑

宣公祠

公不生唐世貞元事若何主恩思報切臣罪忤時多佞
舌攻何忍剛腸死不磨倚闌凝佇久一鷺點滄波

招里巷諸友和韻

小有家林適歸來已恨遲引盃懷楚舞飽飯和陶詩嫌

慨多新語綢繆半舊知夜深橋雪滑亟命短筇支

諸友遲留待雪再用韻

護風須飲劇待雪拚眠遲舉席俱佳客揮毫盡好詩冷
薌梅畔覺清響竹間知莫憶征鞍夢從渠月下支

已酉赴桂初宿會江驛用徐意一韻

江海三吳會萍途一昔棲路迎來阜北船趁長潮西魚
鳥隨情適鵬蜩付物齊羊裘人底處烟雨故蹤迷

過三衢道士鄭雲谷出示謝叔達詩因和韻

世事閱江浪高情寄空雲佳氣挹西爽好風來南薰交
情懷契濶行役苦續紛一節歲寒在東山有此君

題醴泉驛二首

遠役三纔二憂端萬有斯君恩知欲報子難痛何追我
馬方瘡矣秋陽更暴之願言行役者當暑戒驅馳
路遙須到日官滿有歸時一點終身痛中途孺子悲老
難堪此境咎必有其基扶憊隨緣去空餘淚雨垂

題二水光華驛

歷歷湖南道駸駸嶺右州感時僧解夏觸事客驚秋雨
洗流金虐風生落木愁一萍如寄耳往夢付悠悠

登獨秀臺和徐意一韻

老樹憑高看幽禽向靜聽霜輕冬意薄日正午陰停榻
側從他野江頭自獨醒居然山是似環顧等繁星

出郊劬農口占

小約賓僚集相招老父耕寺依青帶住人在翠帷行疊
嶂堆春色微雲護午晴時康田里樂歸騎踏花輕

幼農歸遊白龍洞

老龍昔未蛻嘗蟄此山中霖雨春疇足風雲夜壑空兩
崖高下倚一徑往來通不願千金劑惟祈百穀豐

春日領僚屬遊龍隱巖

久卧蒼崖底風雷為擘開蛻形猶掛石鱗迹不沾埃一
水將清貫數峰推爽來渾疑負舟去煙雨肯低徊

自和

一壑馮夷宅五丁盤古開天將作甘澍地豈著浮埃梭

化雷陂去槎乘星渚來猶疑真隱在搜訪莫徘徊

題千山觀

玉筍環星拱青螺帶霧披山為天下勝境占嶺南奇
筆難窮者凭闌盡有之不因身世界築室老於斯

禁煙前一日招幕屬小集林提幹有詩和韻

草草登樓適英流邁昔賢詩篇長慶集人物永和年訪
古宜聯社傷春又禁煙青帘家酒賤賸飲莫論錢

桂林即事

每測南方候時驚北客心一冬無雁過三月有蛩吟槐
暑常臨午梅霖不待士近來知節適不怕瘴煙侵

又

一日四時具從來五嶺然留連落花雨依約熟梅天瘴
重常垂箔春深未脫綿新來那戒飲未夜已思眠

霽後登水雲閣凭欄偶成

雨過雲煙幕天成水墨屏江添半篙綠山失數峰青某
寺藏松塢誰舟繫柳汀杜鵑聲正急那對夕陽聽

洞庭口占

舟子方將北封姨不肯南去帆衝急浪古寺隱晴嵐遠
渚鴉千百中流鷗兩三短篷聊徙倚底用客程貪

重過岳陽

遠役數千里重來十四春山城風景舊人物歲時新官
舍多陳迹君山是故人樓頭一盃酒聊滌客襟塵

荆閭偶成

一出嶠南道重來國北門詞源因老涸心鑑以憂昏可

厭惟官事難忘是主恩衷懷誰共語流得枕邊痕

題范蠡五湖圖

色美示來鑒功成思去謀桂棹與蘭槳羔袖而狐裘夏
姬宜去楚妲已肯歸周恤綿寸心在鑄金千古求

又

美婦天下有忠臣古來稀去國不潔名避世良知幾寧
侶我舟楫毋著君宮闈平生萬事足偕老五湖歸

又

江湖存魏闕翰墨寓規箴君看龍眠畫當識鴟夷心

題黎權院詩軸

別二十三年來呼沂峽船昨遊春夢爾故友曉星然廉
譽盈詩卷忠謀在奏編阿蒙頑自若應笑老窮邊

題林路鈴詩軸

過眼多陳迹論心只舊時艱難幾年事感慨數公詩
覓句新尤健談兵老不衰効顰聊爾耳莫說姓名誰

和吳居父江陵雄楚樓韻

歲月等新成風煙只舊遊柳薇今堡障蘋蓼古滄洲
索句慙已和懷人笑楚優中原雖在目無事莫登樓

挽詞

甲申寧廟挽詞 二首

德化勤三紀仁聲溢九州
澣衣昭禹儉是食軫文憂
潤色恢鴻業艱難啓燕謀
中興宗漢廟端自敬天休

自聽山東詔甘泉息夜煙
璽膺新玉帛圖貢舊山川
望切堯民日憂形杞國天
中原尤感泣不獨老臣然

挽虞滄江提刑 三首

南渡稱名相西來見嫡孫
蜀珍交友盛雍國典刑存桂
苑連鳴鹿楓宸擬遶鵷
平生經濟略雅志在中原

隼旗三易守駟轡兩觀風
欲掃龍庭穴猶參虎幄弓
草餘周圍綠粟積漢屯紅
野渡方橫棹俄成夜壑空

自得滄江勝歸來伴鶴龜
晚年尤好易暇日且論詩
欲問更生佛非闕二豎醫
諸生毋拭袂公訓有餘師

挽龔致政 二首

師友龜山出世家熊楚來決科輕地芥種德付庭槐祿
享千鍾養年登九袞開可為朝野惜袖手老其才
綉節榮分使斑衣喜拜親方將昌厥後豈必在其身真
館仙遊遠佳城瑞氣新九原看厚報袞袞耀絲綸

挽觀使鄭尚書

三首

許史推華閱歐韓策雋名風流接南渡步武到西清玉
帳勞籌筆彤墀識履聲壯懷馳萬里誰壞國金城
秉鉞岷峨去分弓淮海遊安危勤閭略得失假家謀不

易猗蘭操何傷薏苡羞蓋棺公論定知罪付春秋
憶昨從游日烏奴桃李春通家聯雅好入幕厠佳賓綠
野歸心切丹山舊迹陳九原多感愴掩袂重傷神

挽吳總幹二首

慶積家聲遠材優官業長胡然嗇諸用竟爾老於鄉德
與年何憾人期後必昌秦原空睇望惜此典刑亡
夙托彌甥列常懷范叔寒門闌多厚盼樽俎有餘驩衣
笥袍猶戀書郵墨未乾官身羈執紼清淚為公彈

挽吳準齋二首

持此四海準得之前聖心簞瓢富臺閣朝市等山林說
破先天易流傳正始音太原千載後思者甚於今
昨綴都人士嘗薰一瓣香蒼茫問淮浦繼繼餞河梁聞
道機緣淺予人風誼長斯文其已矣草木亦淒涼

挽吳文昌母夫人二首

懿範儒家出靈臺佛地平活人裨惠愛教子以忠清康
肅母無愧中郎女有聲老天昭德報蘭桂滿庭榮

慶事一門盛修齡七袞強綸封四大國綵侍兩文昌夢
幻存真覺勲庸看顯揚家山空睇望惜此令儀亡

挽大資節使史國公三首

德齒明時冠詩書正派深修名在原隰雅志已山林眼
歷四朝事神交十聖心老成天不慙大雅有遺音

早袖經綸手傳之柱石材無心到孤棘有德付三槐五
鼎方身饗兩楹俄夢回百年流澤遠衮衮幾公台

昔綴都曹後升堂拜父師達尊塵異盼國士沐深知鶴

髮人何在蠅頭字尚遺遣車無路送揮淚望豐碑

挽何司令二首

太學何蕃譽當時藹帝鄉五聯棣華萼三折桂枝香
司社騰聲望題輿迓寵光奇才今已矣流慶在虹梁
憶昨初傾蓋同登巴岳樓江淮重邂逅幕府屢綢繆
夢絕秋城柝人隨夜壑舟潛山歸路杳草木亦淒愁

挽吳鶴林尚書三首

鳳翥鶴林邑來儀鴛鴦羣陳謨傾帝聽擣翰婉皇墳位

且踐台斗心惟寄岫雲詔綸方夜下天曷喪斯文

一代儒臣表三州吏治良遺言了生死新誌盡行藏昔
夢崖何異今知坡可方百僚山下路千載尚名香

寶屏傾蓋早公壯我丁年入幕笑談舊升朝禮樂先寄
書榆柳外覓句竹梅邊俯仰成疇昔空餘涕泗漣

挽李樓山觀文三首

展也岷峨秀鍾為柱石臣直聲留諫紙碩望壓朝紳羣
議王師銳孤忠主聽陳天其昌我宋堯舜致君民

兩登樞輔地一武宰衡班利澤纔膺寸良方縮肘間重
為千載惜竟老十年閑回首西州夢吳中第幾山

相從劍南幙公壯我丁年寘彼諸生後薦之明主前承
顏台衮近托跡午橋邊壤厦千秋隔潜然老淚漣

挽肇慶胡守二首

湖學源流盛鄉評聞望推班纔列留邸材豈止分麾正
擬梅邊喜俄成薤上悲人言公不死蘭砌典刑垂

里閑游從早江淮契濶稠勤君分月駕共我濟風舟日

者言猶在辰乎嘆莫留佳城雲水隔老淚逐江流

挽蜀帥趙侍郎 二首

蜀賴宗臣力劍光星斗高位纔登豹尾身幾付鴻毛節
槩公何慊時艱運適遭岷山如不壞難泯此忠勞

西證膏盲急人推倉扁醫惜哉當局晚為此厲階誰公
在民猶望公亡事轉危忠魂千古在近有紫巖知

可齋雜藁卷二十六

欽定四庫全書卷

可齋雜藁卷二十七

宋 李曾伯 撰

七言絕句

池陽清泉舊名鮑公泉又名趙公泉真西山易

為清泉坦齋作記

泉流巖竇本來清易以清名亦徇名却笑兩公徒蚌鷸
如今贏得坦齋聲

舟過雪川二首

一簇樓臺鎖翠煙
雨踈溪濶晚秋天
西風吹老芙蓉院
兩兩鷗鳬傍水眠

水遶眉峰碧一灣
荻花楓葉暮生寒
呼船催向漁村宿
要買鮮鱸薦晚餐

過鄰水道間

竹新得雨筍爭綠
蕉不知霜花自紅
時候江南二三月
調肺元氣此杯中

鄰水寺有竹數百竿中有孤梅可愛

蕭蕭勁竹古君子凜凜孤梅節婦人不作東風蝴蝶夢
短籬流水一家春

訪閬州讀書巖

從來廊廟出山林師友相資好弟兄料得至今風雨夜
山神猶記讀書聲

題利州道上江月軒

何用朝朝夜夜鐘一拳打透徹虛空詩僧不見禪僧老
月自西沉江自東

和江陵闕幹風雨問訊虛舟韻 二首

使君簾幙鎖香篝
方把千金製一裘
好是孤燈風雨夢
夜深直度野人舟

無人載酒到聯轡
有客携琴午扣扉
却羨渚宮魚為樂
菰蒲深處日相依

和劉清叔襄陽草廬韻 二首

白馬盟存矢弗寒
玩其肆矣肯泥蟠
風雲未合星先隕
輸與江東日月寬

萬壑長松幾歲寒老龍曾向此中蟠而今肯為蒼生起
何止編方蜀顧寬

和尤帥長贈鄭通庵韻

二首

生涯休問粟儲餅有酒盈樽不用醒已分我生箕斗直
車船奚用命奴星

此別何年此會重翁無占我我占翁我官翁卜無相遠
聞早歸歟計則同

茅山玉晨觀和壁間韻

天風吹我上高峰上到山頭日未中便可高眠莫歸去
人間易得鬢成童

太府寺梅花盛開和曾玉堂韻二首

姑射丰標慣野塘不虞水部入佳章雪邊未了孤山約
儘有春風一面粧

蕭蕭官舍自寒芳清夢何從至玉堂唱徹涼州太催逼
何如鐵石廣平腸

贈相士錢嬾溪

軍書蜂午中有持風鑒造見曰觀色可以驗祥異
謾一叩之出諸公贈嬾溪詩卷此何時而可言詩
乎盍為我識一虎頭燕額有食肉相者為朝廷任
西北大事使拙者得縱解林泉之下若是則所謂
嬾者不在子而在我矣因贈以二十八字

塞北煙氛掃未開何勞青眼過江來道人已辦游山屐
福將誰勝上馬杯

和傅山父紅梅韻二首

獨立千林壓衆葩正由風骨傲煙霞誰教羣玉峯頭客
也染紅裙一幅紗

節士恥隨時世粧若為嫵媚著春裳何如清淡甘天分
莫與兒曹較色香

阮梅峯舉似題高沙郡圃醉醒亭絕句因繼元
韻并簡蕭使君

三首

客有談君製小亭旋栽軒竹蔭池萍應憐春色濃於酒
醉得園花睡不醒

楊柳依依拂短亭
看看飛絮又成萍
老來世味都嘗遍
不待鄰雞喚夢醒

所寓皆同一旅亭
紛紛萬事細如萍
醉翁能解邦人樂
時一中之勿太醒

和王潛齋韻送聞人松菴二首

田園蕪矣好東歸
今昨從渠較是非
荷子遠來無所問
江湖雅志莫相違

子之為術我為官
以易占之火在山
同在雙湖湖上住

大家攜手故鄉還

宜興山房十首

曉起爐煙一縷清
梵音繚繞檻軒行
須臾日上松梢了
又聽齋鐘相應鳴

齋罷雞聲轉午天
地虛人寂境蕭然
兩三衲子自來去
時取茶芽煮澗泉

簷影亭亭日正中
莓苔不掃絕塵蹤
閉門相共蒲團坐
看讀華嚴一卷終

薄靄垂垂欲暮時
漸生霜氣著征衣
山深不見牛羊下
惟有樵人荷擔歸

燒罷天香月半昏
掩局才了便呼燈
窓前誦徹淵明賦
却傍禪床聽葛藤

月暗山空夜倍長
清談消遣睡毋忙
山中新酒幸堪飲
何惜一杯相共嘗

四壁寒蛩作苦吟
喚回旅夢約三更
不知身在禪房宿
誤聽松風做雨聲

薄薄新寒透被輕醒來窓隙弄微明山中不用梅花角
自有枝禽報五更

俄頃鐘聲到枕邊朦朧曉色試霜天披衣欲起渾無事
贏得平明一覺眠

稚子敲門喚起休金烏早照屋山頭飯餘欲看蟠松去
可是今朝作雨不

自和山房十詠

新來詩思與秋清野徑無人適意行道盡青松知小雨

隔林怪在竹雞鳴

閑雲一片在堯天
乞得歸棲豈易然
肉食半生空白髮
且餐湘菊薦寒泉

坡翁昔愛是山中
我以何人敢比蹤
築室買田居此了
閉門讀易保吾終

人生須富貴何時
駟馬還家只布衣
林壑幸便麋鹿侶
不堪寒色逐人歸

禪房寂寂夜昏昏
相對長明一點燈
舉似新詩共僧話

笑儂綺語污溪藤

尺寸功名幾短長區區馳騫等空忙皮毛盡剥丹心在
世味風霜已飽嘗

蕭蕭風籟助清吟秋去冬來令又更惟有老禪都不管
任它簷鐸作何聲

鄰有山田價似輕擬求種秫効淵明相逢村叟問誰者
歎息年來主屢更

真機渾不露中邊自是閑中小有天一飲且拚今日醉

萬金不博五更眠

舟子來催歸去休朔風吹浪打船頭挑包又作家林計
還是梅開酒熟不

定花阻風五首

客纜相銜繫柳邊不禁雪浪苦粘天尋常溪口魚鰕賤
今度船留倍索錢

準擬新烟定到家可憐漂泊對風沙見他紅雨飛籬落
憶殺小園桃杏花

綠柳橋頭舊酒爐幾番艤棹勞篙夫恍疑風撤青帘去
敲盡荆扉閉不酤

夜色昏昏帶遠烟誰家燈火待歸船小遲月上風須息
且伴白鷗今夕眠

邊湖六六片時程況可籃輿度岸行西舫東船從此辦
任他風浪與陰晴

和傅山父小園十詠

剖破藩籬出一頭要追巖壑老人游知他栽得花和竹

髣髴舊時風度不

喬木豈能忘故國結茅聊復紀新亭此君玉立傍無友
猶有幽禽靜可聽

著我數椽浮翠碧借公一水漾琉璃心閑境樂鎮長好
拈起風光總是詩

竹邊聞鶴思高舉松下觀禽覺倦飛幸有故書千帙在
呼兒共讀嗣前徽

蒼苔迹在堂無燕綠水痕生沼自魚回首釣遊徒感慨

何時復古喜而書

招來暇日頻呼酒
買得清風不用金
月姊水妃無老態
天光野色有遺音

一室掃除才斗許
幾番醉夢與梅清
琰戈翠節成何事
紙帳蒲團了此生

宜琴宜奕尤宜酒
種竹種梅仍種蓮
意得無時不堪適
可人不只是荷天

賸種秫杭供靖節
要餐杞菊學天隨
不知底事池塘夢

猶到邊城月暗時

蠟英要占菊天破玉樹須乘梅雨培金粟如來還出世
清香不許別花開

和水竹梅燭韻二首

南枝肯領衆芳隨一點冠名在處知摸索暗中香自別
底須絳蠟逼輕肌

誰將花燭聘東風與海棠時恨不同意已不求真會合
何妨一白對千紅

登桂林宜樓和李帥柱間韻

誰言南服遠王畿
面面青山總是詩
桂後梅前正清淑
倚樓但覺九秋宜

送李琴士據梧

六言二首

流水高山爾調冷
灰槁木吾心不必神
交蒙叟柴桑老
子知音

戶外世塵皆累山
中天籟無聲莫看蟬
蟬相捕要教鶴
舞魚聽

題馮司法水月書堂六言二首

水能清亦能濁月有滿亦有虧
清濁滿虧區別馮君書以知之

玉局仙翁公案梅亭老子偈言
莫向空中捉影要須達處窮源

可齋雜藁卷二十七